


清詩人徵略



庫文閣内		
函	册	號
三 二 一	三 一 二	八 七 五
		漢書類

庫文閣内		
函	册	號
三 〇	三 一 二	八 七 五
		漢書類

三〇三六

内閣文庫		
番號	漢	3875
册數	16	(8)
函號	290	36

0 1 2 3 4 5 6 7 8 9 cm


A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





國朝詩人徵略卷二十五

番馬張維屏子樹輯

胡方

字大靈廣東新會人貢生有鴻梅堂詩文集

方由番馬籍補諸生敦崇實行註周易六卷四子

書十卷句梳字櫛居喪稻草藉柩旁地寢三年不

入內先人田廬悉與弟而自以硯耕元和惠士奇

上薦疏略曰臣視學廣東每試一郡輒問其鄉之

人物欲得積學力行有道而文者為諸生楷式獨

番馬歲貢生胡方品端學醇一介不苟五經盡通

能詩工書註易及四書多所開發接理學之傳與
人比之陳獻章其教人從日用酬酢求義理從尋
常應對見文章大要以力行為主不徒語言文字
也惜其年衰老不能効奔走之勞伏乞

賜之命服併依古養老之禮令有司月致酒粟以寵異之

俾士子咸知讀書立品

廣東通志

金竹先生學醇矣而余尤歎其器之高也始惠公
訪先生先生以學政未蒞事不可見其不見固宜
其後事畢先生往見但長揖且曰方年邁無受教
地不能執弟子禮揆之常情似近於倨傲而惠公

益重之蓋惠公惟欲得一經明行脩者而加禮之
以爲多士勸初不敢有羅而致之門下之意而先
生之守己自重則誠無忝於公之知觀於此而後
歎兩賢之相得益彰也吾粵百餘年來言學使之
賢必首推惠公無異辭者嗚呼有以也夫

聽松廬文鈔

標題

神話

形辨五古

飛龍引

七古

摘句 少壯不力今已老萬事欲爲終草草但覺
胸懷方寸間一回醉去一回好腐腸爛胃
耽則那無用之年何必多

歛手本疑藏拙巧高蹤原與釣名鄰

沈炳震

字寅馭號東甫浙江歸安人貢生有增默齋集

九經辨字瀆蒙沈炳震撰是書校正九經文字排

比鉤稽頗爲細密可以因文字之異同究訓詁之

得失於經學頗爲有裨

四庫提要

世宗憲皇帝之舉詞科也先後應召者二百餘人而著書

之多莫如沈東甫其最精者有新舊唐書合抄二

百六十卷折衷二史之異同而審定之而尤莫善

于宰相世系表之正譌方鎮表之補列拜罷承襲

諸節目是可援王氏漢書藝文志考證之例孤行

于世者也九經辨字則小學之膏粱也讀史四譜

則三通之羽翼也唐詩金粉等書則騷人之鼓吹

也東甫沒六年而錢侍郎陳羣以東甫唐書奏于

天子有詔付書局時方令史館校勘唐書諸公得之大喜

盡采之於卷中

鮎埼亭集

摘句 朱門羅綺賤如土縲絲誰惜貧家苦絲成

織錦更不辭但願莫忘縲絲時

沈彤

字冠雲號果堂江南吳江人諸生有果堂集

周官祿田考沈彤撰歐陽修有周禮官多田少祿

且不給之疑後人有辨者不過以攝官為詞彤獨
詳究周制分官爵數公田數祿田數三篇凡田爵
祿之數不見於經者或求諸注不見於注者則據
經起例推闡旁通補經所無乃適如經之所有其
說精密淹通於鄭賈注疏後可云特出四庫提要
冠雲潛心經學長于古文閣學吳公所薦詞科掌錄
果堂親沒三年中不茹葷不內寢菽汀錄
摘句 高才肯折節傲骨取時忌

吳穎芳

字西林浙江仁和人臨江鄉人詩集

先生赴童試為役隸所訶自是不復應試壹志於
讀書嘗謂律管音調諸儒能致其說而不能習其
器俗工能習其器而不能得其說遂案典籍證眾
器成吹籥錄五十卷次及六書尊許氏之說成說
文理董四十卷因六書而及音韻成音韻討論四
卷又因說文而考制字之原成文字源流六卷又
取鐘鼎文字成篇可讀者釋文箋義成金石文釋
六卷又取爾雅本草諸書證其同異聚物之解毒
者百餘種造為丸名曰綠髓療創腫立愈春融堂集
製小筒削竹籤書賞花釣魚圍棋賦詩鼓琴吹笛

等事置筒中客至隨手拈一事與客共之兩浙軒錄

摘句 一鳥唱晴色西園花亂開詩成向天笑酒

熟待人來

天懷幾童子猶勝禮法人

春花落盡閒山屐明月佳時住水村

貧士出門非易事豪門投刺豈初心

田間住却攜鋤手來與諸公話白雲

金農

字壽門號冬心浙江錢塘人有冬心集

壽門嗜奇好古收儲金石之文不下千種足跡半

天下詩格高簡詞科掌錄

農年五十餘始從事于畫涉筆即古杭州府志

壽門構前江後山書堂中著經籍圖史有冬心集

手錄付女兒收藏題五絕句有云卷帙編完髮

疎中郎有女好收儲帽箱剝落經籟敝莫損嚴家

餓隸書槐塘詩話

壽門不事生產寄食維揚幾二十年賣文所得歲

計千金隨手散去後客死揚州兩浙軒錄

摘句 他鄉樂亦苦淚滴酒杯間

多雨偏三月無人又一年苔

佛烟聚處都成塔林雨吹來半雜花
孤竹瘦於尊者相野雲白似道人衣
消受白蓮花世界風來四面臥中央
團坐繩牀夜聯句百蟲啼雨葉堆門
隻字也須辛苦得恆河沙裏覓鉤金

李 錯

字鐵君一字眉山漢軍人有睫巢集
尚史李錯撰康熙中鄒平馬驕作繹史是編以驕
書爲橐本蓋體例準諸史記而排纂之法則仿路
史而小變之自序謂閱十六載而後就其用力頗

勤翦裁排比使事迹聯屬語意貫通體如詩家之
集句於歷代史家特爲創格

四庫提要

鐵君先世蜀人父輝祖官少司寇又大學士索額
圖介婿獨耽清寂依祖塋隱盤山廡青峰下號廡
青山人又號焦明子自爲傳曰焦明子有靜癖喜
行無人徑嗜茗爲鐵鐺瓦缶使奚所至負從之每
茶煙起水石邊樵采者咸知爲焦明子也

詞科掌錄

鐵君生於華胄娶於貴戚而儵然遠引自得泉石
間趣可謂高人詩格亦高五言尤多健作

聽松廬詩話

鐵君自營生壙旣成作詩有句云固應無物還天

地或不將身玷水雲可想其曠然高潔之致同上

標題 當來日大難七古 贈李雄李庫兄弟七古

摘句 君有高堂在誰能更阻君大江下秋水遊

子似歸雲

風雪殘書在蛟龍一劍神平生負奇骨不

敢辱微身

眾木正如夢一枝方自春遂令江上水真

見獨醒人梅花

鬪禽雙墮地交蔓各升籬

陳景元

字石間漢軍人有石間詩集

景元詩雖漢為宗而性既孤僻思復刻峭結習所

近乃在孟郊賈島之間四庫提要

戴遂堂亭陳石間景元馬雷溪長海號遼東三老

石間擬古諸作亦第聲貌之似耳雷翠庭鈎摹刻

之殆甚重其人耶聽松廬詩話

摘句 人依山鬼宿星代月華明

玉女洗頭乘夜露巨靈舒掌逆秋風華嶽

周京

字少穆號穆門浙江錢塘人貢生有无悔齋集

厲鶚序以高岑比之今觀其詩在詩社中亦足傾

倒流輩若方駕古人則又當別論矣提要 四庫

穆門娶婦賢而不得于其姑卒困悴而死穆門事

母孝不敢有幾微見於顏色然私憐其婦終身不

更娶以報之鮚埼亭集

摘句 野鷗導我有閒意新柳笑人成老夫

風從荒野過來橫去聲雪向雲山莽處明

丁敬

字敬身號鈍丁浙江錢塘人有龍泓山館詩鈔

敬好金石文字著武林金石錄杭州府志

先生精刻印章人得其一寶如球琳碧谿詩話

摘句 微月破春暝疎梅耿寒意

寵梅念竹有真意剪水斷冰無俗痕

柱腹經書如水瀉熏天富貴等雲浮

姚世鈺

字玉裁號蕙田浙江歸安人諸生有孱守齋稿

平生學問以何焯為宗四庫提要

蕙田詩古文清雋高潔授徒江都卒無子馬曰瑄

曰璐張四科料理其身後收拾遺文開雕焉鮚埼亭集

摘句 妙山呼不來隔水立突兀

菱葉荷花水楊柳豆棚瓜架竹笆籬
添得黃梅三日雨家家門外有魚鱸

長海

字匯川號清癡滿洲人有雷谿草堂詩

長海父馬期官都統征雲南有功授鎮安將軍長

海以功蔭宜補戶部庫使未補以布衣終八旗通志

匯川又號大益菴主嘗襲裘往弔所親劉氏喪劉

氏貧匯川濟之解其裘歸塗見所未見書買之解

其衣由是中寒疾乃夷然伏枕曰獲多矣熙朝雅頌

摘句 寒林雙闕寺野火六朝墳牛首

雲似客閒朝出岫鶴如人立夜聽經
雲飄組練歸榆海花滿弓刀入玉關西師振旅
桑葉半稀蠶盡老綠楊門巷賣新絲

金縷

字絲五號連城江南吳縣人官訓導有蘊亭稿

先世居廣東縷移居於江南遂爲吳縣人四庫提要

蘊亭詩負奇氣不肯一語庸下國朝詩別裁

摘句 寒潮月稍落漁浦烟初起須臾沉霧迷不

辨天與水使我神恍惚置身雲海裏

柴桑有處士襄陽有遺老盡室入蓬蒿終

年顏色好

李果

字碩夫號客山江南長洲人有詠歸亭詩鈔

大理李公欲任以鹽筴力却之詩別裁

客山艱苦力學忍饑誦經巡撫雅公造焉避而不

見時人兩賢之湖海詩傳

摘句 江船搖夜雪山驛繞寒花

獨從天下關憂樂尙想胸中富甲兵范文正祠

計元坊

字維巖江南吳江人諸生有春山草

維巖爲甫草先生孫硜硜自好詩有源流國朝詩別裁

摘句 人方危苦時薄施輒感德自昔奸雄輩持

此羅上客蔡邕依董卓有才而無識受恩

旋殺身士貴能挺特所以孟夫子舖酸戒

樂克

鮑鈐

字冠亭一字西岡號辛浦漢軍人官長興縣知縣

有道腴堂詩

鈐著有亞谷叢書稗勺熙朝雅頌

辛浦知長興縣彭城李敏達公督浙治尙綜覈而

辛浦癖在賦詩彭城謂湖守曰長與今日賦詩吾
將列之彈事矣湖守謝曰當令改之退而戒辛浦
於是辛浦東筆皮硯者三日謂其客曰下官忍不
可忍矣惟大吏罪之賦詩如故然辛浦百事脩舉
部民頌之彭城徐察之不復怒也鮎琦亭集
日來一病竟入膏肓從此化為異物長辭左右可
為歎息一生偃蹇毫無可錄祇操履粗堪自信吟
咏聊以自娛寂寞身後惟先生憐而念之伏枕哀
祈泣然絕筆此鮑西岡臨終與全謝山先生書也
西岡以身後之文托之先生可謂得其人矣松軒隨筆

摘句 彎環避石角巧閃爭一綫舟行險難十字能狀

暮雲湘水雁春雨練湖船

大節並推顏魯國孤忠直繼段司農范忠貞祠

又是天涯寒食節菜花香裏過塘西

謝淞洲

字滄湄江南長洲人

滄湄畫師元人得四家意趣精于鑒古

世宗皇上出內府所藏

命其鑒別一一不爽國朝詩別裁

摘句 野客聞鶴鳴山僧報茶熟

國朝詩人傳卷三十三
歸人自城市負荷返柴扉

黃子雲

字士龍號野鴻江南崑山人有野鴻詩稿

野鴻布衣能詩有某中丞欲見之黃不可題一聯

云空谷衣冠非易覲野人門巷不輕開隨園詩話

摘句 戰國風趨下斯文日再中孟廟

一氣涵諸夏層波走百蠻望海

六代詩壇餘此席一江春色獨登樓太白樓

村角鳥呼紅杏雨陌頭人拜白楊烟

翁照

字朗夫號霽堂江南江陰人太學生有賜書堂集

朗夫事上接下以誠以禮嵇高二相國先後以鴻

博經學薦皆不遇國朝詩別裁

霽堂嘗寓朱家後其人適賦歲暮被繫霽堂適經

其地出脩脯代償歸橐罄如告之配歡如也歸愚文鈔

摘句 孔光譖王嘉浸潤致之死馬融排李固承

順權臣指平生讀何書適佐貪且鄙一念

入奇邪百世人不齒

煙波雙鬢老風雨一身秋蓑衣

一徑入紅葉數峰橫翠微

友如作畫須求淡山似論文不喜平
小樓夜半朦朧月深院秋千澹宕風
一聲啼鳥破春寂數點落花生暮寒
春寺煙深聞粥鼓午塘風暖度飴簫
夾岍綠陰垂柳渡滿篷紅雨落花天

過春山

字葆中號湘雲江南長洲人諸生有湘雲詩稿
湘雲家居市井性愛邱樊博通羣籍尤精于新舊
唐書嘗為補遺糾誤未及成而卒湖海詩傳
湘雲詩澄澹而自然宜蘭泉侍郎激賞之聽松廬詩話

標題 中峰永明樓五古 雪中簡吳竹嶼五古

摘句 涼風落山果微雨長秋蔬

亂山開夕照獨鳥下寒村

雨餘芳草長春冷雜花稀

浩劫畱詩卷名山老布衣

晴雲生古石空翠落長松

新霜變木葉斜日亂溪流

明燈臨水飯欹枕對鷗眠

周永銓

字昇逸浙江錢塘人蘇州籍諸生有東岡詩鈔

昇逸修己自好不肯見人惟家方舟與余過之談
諧不倦予通籍歸里後並不能一見矣國朝詩別裁

標題 義卒行古 戰城南古

摘句 君家在溪側我家在江邊溪光江色兩瀟

灑往往相思乘釣船

漢家雨露提封外春色遙應度玉關

周準

字欽萊號迂村江南長洲人諸生有迂村漫稿

迂村游武昌沔漢興盡而返不謁一人後之京師

一如遊沔漢時昔有人問高僧曰京師許多人僧

曰只兩個人一為名一為利迂村超然名利外是

京師有三個人也與余同輯

本朝詩皆蓋棺論定者臨終含笑謂所親曰我幸甚

我詩可入別裁集中矣國朝詩別裁

迂村詩傾耳聽泉聲聲喧意彌靜余宿雲泉山館

蒲澗泉聲潺湲不斷益有味乎其言聽松廬詩話

摘句 不知曉雲過但覺衣裳冷

行經陰洞中恍惚陷深井須臾從井出冉

冉首露頂

已知生死斷猶作別離看

孝穆荒齋猶竹石總持故宅尚鶯花拂水山莊

盛錦

字庭堅江南吳縣人諸生有青嶼詩鈔

青嶼詩以入蜀為第一世人輒以杜少陵王新城為比不知少陵由秦階經桔柏渡而至劍關新城從鳳翔寶雞經漢中以至寧羌陸路不同若青嶼取道歸州穿夔巫入城都即吳漢伐公孫述之路亦即放翁入蜀新城出蜀之路其地雖皆屬天彭井絡而山川形勢迥殊放翁雖有鐵馬西風大散關之語其後封爵渭南而南北棧實未按轡及之

故諸公摹寫山水各傳其勝論詩者乃并為一談

正如屈蛟之蟲方隅之眼宜見笑於通人也湖海詩傳

標題 十二碛五古 空舸峽五古

摘句 亂鴉僧閣外殘月女牆西

風雲經百戰筋力盡三邊老將


霸氣餘三國江聲走百蠻

白鹽峰對城頭出巫峽帆從地底來

遇主名高三禮賦懷人心折八哀詩杜文貞

半江殘月欲無影一岼冷雲何處香白蓮

點檢篋中裘葛具預知別後寄衣難



朱受新

字念祖江南吳縣人諸生有木鷲詩稿

詠蟬云如何忘遠舉飲露已清心木鷲為諸生不

應鄉試抒寫懷抱已見此詩

國朝詩別裁

摘句 君王自愛傾城色卻忘人從敵國來

吳宮詞

夜靜看花人獨立水晶簾外月如霜

白秋海棠

李 薊

字嘯村江南懷寧人諸生

嘯村最長絕句溫子昇云文章易作逋峭難為若

嘯村者不愧逋峭矣

隨園詩話

廢園云誰家亭院自成春窗有莓苔案有塵偏是

關心隣舍犬隔牆猶吠折花人青溪云粉牆經掃

落花塵一帶樓臺樹影昏雨細風斜簾未捲縱無

人在亦消魂李嘯村絕句也傳作不在多

聽松廬詩話

摘句 楊柳晚風深巷酒桃花春水隔簾人

春服未成翻愛冷家書空寄不妨遲

賣花市散香沿路踏月人歸影過橋

邵 岷

字百峰江南元和人諸生

百峰登覽之作尤勝

詞科掌錄

標題 游草堂寺古五 趙忠愍公得諡詩古七

摘句 事往憤猶結悟來悲亦休

殘旗孤壘月哀角五更霜

人以風塵賤詩兼髻髮蒼

國朝詩人徵略卷二十六

番禺張維屏子樹韓

劉統勳

字廷清號爾鈍山東諸城人雍正二年進士官至

大學士贈太傅諡文正有劉文正公集

延清彊直厲清節乾隆六年授左都御史奏言尚

書公訥親一人之身兼理數處屬官既奔走恐後

同僚亦避其鋒銳部中議覆事件或輾轉駁詰或

過目不畱出一言而勢在必行定一稿而限逾積

日殆非懷謙集益推賢讓能之道宜加之

訓示俾圖省改其所管事務量行酌減免曠廢之虞又言
大學士張廷玉子姓宗族及姻黨占仕籍者至數
十人宜量加裁抑三年內停其遷轉以保全之奉
旨下部查議並如所請測海集
公光明正直燭照先幾事之可否微發其端至一
二十年後始服其精識士有賢不肖亦洞見其將
來內外臣工無不仰其剛果而情意肫然不欲過
爲嚴峻六旬後人夜秉燭危坐至二三更許窗外
偶有聲響無不悉聞臨終之日五更起盥洗飲食
如常升輿至東華門外輿微側家人呼之不應啓

帷視之則已瞑矣

上親臨其喪見室無長物蕭條枯槁寒氣襲人深爲嘆息
賜諡文正不待禮臣議請也湖海詩傳

摘句 月川晴理權花塢夜攤書

每以虛懷參衆論幸因先達識詞源

奇探昌谷囊中句妙聽成連海上琴

彭啓豐

字翰文號芝庭江南長洲人雍正五年

賜進士第一人官至兵部尙書有芝庭詩藁

乙酉七月

召對詢及鄉試應裁去官卷否謹對官卷業經裁額不爲
濫觴若混入民卷恐開徇情之端有妨孤寒進路

仍宜照舊

芝庭自訂年譜

詔許近臣得奏進經史講義府君前後所上多切于治體
嘗論月令行爵出祿必當其位所以使之當位者
有三一曰尊宰輔以崇其體二曰卹羣臣以達其
情三曰久任使以專其職又言不獨臺諫官當責
以盡言卽翰林曹郎亦宜分班條奏又言人之才
器不能相假故虞廷諸臣兵農禮樂各有專司儻
甫履其地旋改而之他叩以政務必茫然莫辨况

民社之官責成非細宜仿古者增秩賜金之制俾
人與官相習庶明作有功之效可得而幾也

二林居集

摘句 楊柳春風江上權杏花細雨酒家樓

疎風影動林梢月宿雨涼生檻外山

三徑杜門高士跡扁舟訪舊故人心

漁唱數聲初出港樵風兩岬送歸船

張鵬翀

字天扉號南華江南嘉定人雍正五年進士官詹

事有南華詩集

鵬翀詩才敏捷义手擊鉢頃刻卽成官侍講日進

經史法戒詩五十五章寓規於頌

上嘉納焉兼工畫自繪春林澹靄圖題絕句六首進呈

上和其韻

春融堂集

南華在朝房和湯圓詩云甘白俱能受升沉總不

驚張文敏曰不料倉卒先生猶能自見身分兩村詩話

摘句 晉獻惑嬖妾優施教驪姬分明置堇毒乃

謂愛我為

神君未下鬼先集世上烏有神仙哉

楊錫紱

字方來號蘭畹江西清江人雍正五年進士官至

兵部尚書諡勤愨有四知堂集

旂丁向苦運官括索方來督漕盡除宿弊運官斂

手奉法旂丁感之建生祠於淮上測海集

先生督漕體恤旂丁及押運各官纖埃不染使得

過行數十年來論漕政者必舉先生第一測海詩傳

摘句 蟲聲經露濕月影渡波涼

倦遊客類還飛鳥出闌舟如脫餌魚

剛有流光能自照已忘腐草是前身詠螢

梁詩正

字養仲號蘓林浙江錢塘人雍正八年

賜進士第三人官至大學士贈太保諡文莊有矢音集

公五歲始能言既成進士由詞臣入

內廷吏部掌銓政為六官長而掌院所屬係文學侍

從之臣內閣職典絲綸皆京僚極清要地公兼領

數年王公際華戲謂曰公可謂三清居士矣新建

裘公曰修笑曰兼以

上書房

南書房則五清也其為同官傾慕如此公常言往在

上書房為

上作擘窠大字適

憲皇帝駕至諸臣鵠立以俟

憲皇帝命作書墨漬於袖又

命

今上曳之今弄此衣三十年矣他時服以就木庶存沒志

君恩也卒如其言春融堂集

公和

御製詩每逢劇韻必蒙

嘉獎予異之公曰昔蘇文忠公善次韻每遇艱險處恆以

譬喻出之是以信手驅駕毫無窒礙吾窺得此秘

故能游行自在天然湊泊耳湖海詩傳

摘句 倚檻翠飛千頃浪開簾晴裊半窗烟

說詩客每勞前席問字人多到後堂

曹一士

字諤庭號濟寰江南上海人雍正八年進士官兵

科給事中有四焉齋集

其詩集附載梯仙閣餘課為一士繼室陸氏鳳池

作又拂珠樓偶鈔一士之女錫珪所作提要四庫

公為御史疏言小人往往挾睚眦之怨借影響之

詞攻訐詩書指摘字句臣伏讀

皇上諭旨凡奏疏中從前避忌之事一槩掃除仰見

聖明廓然大度臣竊謂大廷之章奏尚捐忌諱在野之筆

札焉用吹求請

勅下直省嗣後凡有舉首文字者苟無的確踪跡以所告

本人之罪依律反坐以為挾仇誣告者戒結埼亭集

又言牧民之吏有賢有能不可偏廢今督撫薦舉

往往舍賢而尚能故明作有功之意多悖大成裕

之意少測海集

摘句 有明盛壇坫七子互騰驥牛耳執王李才

高氣愈揚仰觀高秦漢俯窺藐宋唐震川

老舉子茅屋荒江芻言招故生徒講學稱

先王勢燄固不敵名聲詎相當云何百世
下中天吐寒芒

商盤

字寶意號蒼雨浙江會稽人雍正八年進士官順
寧府知府有質園詩集

君英雋募儻美鬚髯工談笑彈絲擲竹妙得神解

詩上仿四傑下仿元白

春融堂集

寶意胸羅玉笥筆有錦機本以詞林乞爲郡佐久
居白下饒有閑情常得趙姬小憐解碧玉連環爲
贈易名環娘以中秋夕扁舟載之未幾玉隕蘭摧

悼亡屢賦如髻影憶簪花第一眉痕怕見月初三

舊居鸚鵡曾呼我斷帶鴛鴦欲付誰誰與修書添

半臂欲煩妙筆畫全身皆令人欲喚奈何

湖海詩傳

標題 友人索觀近咏賦答

五古

八蠻進貢圖

七古

摘句 風入雙鷗勁雲屯萬馬齊

恐是玉簫償宿債偶從錦瑟感年華

名心未了難遺世晚景無多怕受恩

明知愛惜終須改但得流傳不在多

陳兆崙

字星齋號句山浙江錢塘人雍正八年進士乾隆

元年

召試博學鴻詞官通政使有紫竹山房詩文集

星齋有承明著作之才庚戌成進士觀政海疆非

其好也益發為詩歌以自灑濯

榕城詩話

星齋先生成進士後重入宏詞游登卿寺侍直

上書房兼尹京兆而意致蕭散有山澤間儀

湖海詩傳

星齋先生居京師士大夫奉為文章宗匠嘗自言

吾書法第一文次之

兩浙輟軒錄

凡為文初屬稿不能無病要在痛自割愛治而去

之耳

紫竹山房文稿

文生於情而文足以達情者莫過於詩言情之詩

又莫善於近體篇止五十餘字境窄則難以旋身

韻忌用險怪字字少則難以副意有能稱意以出

旋身自如而又兼節奏之妙如古之作者落落不

過數人七言律之難如此

同上

星齋先生論書有云唐拘於法宋取意晉韻千秋

竟誰辨於唐言法於宋言意於晉言韻是真得書

家三昧者先生又嘗論

本朝書家首推何義門次則姜西溟趙大鯨似屬偏

嗜以愚見言之當以王文安

鐸

劉文清

壩

為最次

則張文敏照陳香泉奕禧汪退谷士鋐然張陳汪

皆不及王劉二公之厚王猶依傍古人劉則厚而

能脫入乎古人而出乎古人其晚年妙境蓋先生

已歸道山不及見矣松軒隨筆

先生生平畢竟以時文為第一推闡名理包羅史

事宣達物情自成一子不當作時文觀也同上

摘句 秋似美人無礙瘦山如好友不嫌多

文章聲價憑他日山水遭逢在此時

中年斷欲衰偏早瘦骨支寒痛漸生

林蒲封

字鼇洲廣東東莞人雍正八年進士官翰林院侍

讀學士有鼇洲詩文集

蒲封經術湛深天文律呂醫卜諸書靡不窮究尤

工書法官侍從者二十年性恥奔競退食之暇閉

戶著述蕭然如寒素嘗採唐魏徵十思十漸李德

裕丹展六箴宋司馬光五規括其大意作保業惜

時遠謀重微務實五箴以獻屢和

御詩稱

旨纂修

國史敏練精勤凡有舛誤侃侃正論編纂

皇清文穎校刊經史三通無不精當樂施子俸餘悉以

命 周親族疊奉分校北闈督學江西之

命

帝眷方隆而蒲封適遘疾卒

命馳驛歸葬著有讀史錄十四卷廣東通志

標題 九日平山堂登高古七

摘句 三獻出美玉百鍊成精金從來名哲流所

歷多崎嶇乃知憂與患天以啓乃心

豪氣未除應理遣古人雖往可神交

豹皮有志名空在馬革能歸事豈同袁大司馬

何夢瑤

字報之號西池廣東南海人雍正八年進士官奉

天遼陽州有菊芳園詩鈔

賡和錄何夢瑤撰是書恭錄

聖祖仁皇帝律呂正義為述要上下二卷又以所纂蔡氏

律呂新書訓釋曹庭棟琴學纂要附下卷提要

夢瑤出宰廣西治獄明慎宿弊革除有神君之稱

富於著述旁通百家而尤以詩名有菊芳園詩鈔

文鈔莊子故皇極經世易知錄賡和錄醫編紺山

醫案算法迪三角輯要移橙餘話宰岑溪時大吏

將以鴻博薦辭不赴廣東通志

西池先生以博雅著凡天文術數樂律算法醫學

無不究心為督學元和惠公所愛重晚年與杭堇

浦耿湘門兩先生交契朋樽談醺酬唱極歡其生

平論詩謂青蓮獨擅千古子美未應齊名則近於

翻新好奇矣聽松廬詩話

標題雜詩五古第一首至第五首杭太史見和長篇次

韻再寄五古

摘句馬頭迎吠犬牛背立昏鴉八

叢祠森鬼氣老樹聳人形

古詞三婦豔新月兩頭纖

夢去只如雲出岫魂來恰似月烘牆

九京容我尋高士三疾如公是古民李子長墓

泥封春雪無人跡風掃殘花有鶴痕苔

卻被紫陽書作盜不知曹豫定何名詠史

綱目荆軻書盜似未平允劉海峰袁簡齋皆有論而西池此詩在劉袁之先

英廉

字計六號夢堂漢軍人雍正十年舉人官至大學

士諡文肅有夢堂詩稿

相國初通籍時雅嗜芸緗尤敦車笠與厲樊榭吳

樸庭符幼魯查蓮坡為酬和友詩壇酒社翰墨飛
騰既而職長六曹殫心時務或舉舊稿為言輒遜
語謝之先是定制大學士滿漢各二人及于文襄
英公歿時方為戶部尚書滿缺

上以其祖籍涿州本馮姓

命踐文襄之席蓋鹽梅之用早塵

聖心故不拘常格即司台鼎云湖海詩傳

鳴泉赴壑脫葉隨水空土無人明月欲洗此夢堂

相國詩也清妙不減坡公水流花開之語聽松廬詩話

標題 桃花寺五古 淨業湖五古 輓轡謠七古

摘句 孤蓬回遠夢續春寒

晚花閒似客淡依人

野店人談虎客讀碑

風定有禽語雪消添水聲

忙中未廢閒中趣醒後重刪醉後詩

平蕪淨綠逢邨斷深樹殘紅墮石欹

流鶯坐樹雜花發乳鴨漾波新水生

鶴如相識來看客月不須邀白到門

深谷林蘿山鬼伏古祠風雨社神歸

河斷久成無定水天空全響不周風

勁笋穿籬斜長竹弱藤貼地臥開花
老去又嘗新臘酒病來遲答故人書

馬樸臣

字相如江南桐城人雍正十年舉人官中書

相如才氣豪邁與方南堂貞觀為石交詞科掌錄

相如年五十始登賢書薦試鴻博不遇國朝名家小傳

摘句 不爭魚得失只愛傷桃花漁父

月影分明三李白水光蕩漾百東坡

鄂容安

字休如號虛亭滿洲人雍正十一年進士官至兩

江總督加太子少傅襲三等襄勤伯爵殉節伊犁

諡剛烈祀昭忠祠

公自兩江總督

召赴西陲以八日夜馳抵京師既入

見還至兵部不歸家相國夫人就見之一慟而別及其

賜諡也閣臣謂公由詞館出身擬文烈文剛以進

上抹二文字取剛烈二字合之蓋

聖主深知其忠義果決故不拘常例如此春融堂集

摘句 萬山遶行客一水隔相思

曙光銷燭影風力碎禽聲

詩情入長夜酒味近重陽

邨藏翠竹千重出江轉青山四面來

常為行脚東西客今是平頭四十人

深水魚龍淺水石近山松竹遠山雲

桑調元

字伊佐一字發甫浙江錢塘人雍正十一年進士

官工部主事有發甫集

調元詩文縱橫排冪擺落蹊徑毅然自為一家而

恃其才學不主故常豪而失之怒張博而失之蔓

衍者亦時有之作鎮海樓詩至七言長律二百韻

古人無是格也其所以長即其所以短乎四庫提要

摘句 問君何所憂所憂不在飢不在寒不在七

尺埋置塵沙端亦不在家山萬里雲漫漫

是時首夏當純乾一陰欲進方磐桓快心

一夫忽復妬排之不得空長歎梅莊學易圖

張湄

字鷺洲號南漪一字柳漁浙江錢塘人雍正十一

年進士官兵科給事中有柳漁詩鈔

柳漁居官臺諫頗著風節辛未歲

聖駕南巡因念西湖塚墓纍纍恐有司經理未宜於

鑿輅不經之處悉遷徙紛更乃奏請

恩諭着地方官善於經理以仰體澤及枯骨之意疏入

上嘉納焉 兩浙輪軒錄

摘句 孤客有懷皆黯淡暫歸如夢未分明

願教鄉信如花信歲報平安廿四番

夏之蓉

字芙蓉號醴谷江南高郵人雍正十二年進士乾

隆元年

召試博學鴻詞官檢討有半舫齋集

芙蓉虛衷樂善出乎天性于己不諱其所短于人

務盡其所長年八十八卒于家 淮海英靈集

集中有三不可忽詩自註云孝感先生謂天下無

可忽之人世間無可忽之事此生無可忽之言作

此以代書紳孝感先生蓋熊文端公也 聽松廬詩話

摘句 不用則為鼠用之則為彪誰謂風塵中竟

無公與侯

濁酒慣邀今舊雨名山盡入短長吟

周宣猷

字辰遠湖南長沙人雍正十一年進士官鹽運使

分司有雪舫詩鈔

宣猷所著有史斷史記難字南北史四庫提要

雪舫長沙名族詩得大歷十子之遺湖海詩傳

摘句 小憩得草坪欹斜幾椽屋瓦盆野蔬鮮酒

柿村酷熟龜鼠快飲河一飽時已足常山

常山至玉山每飯於草坪余自丁卯迄辛巳凡八經此誦此詩不勝草草勞人之感

江湖生遠夢琴筑在高樓

帆隨峰影轉月趁權歌圓

何如濛

字建則號澹泉廣東南海人雍正十一年進士官

知縣

任冠氏縣舊有枯河前令塞之冠民始病如濛到

官請開復民賴以安在新鄭遇抽撥驛騎協築堤

工諸役悉以自任毫不擾民解綬歸教授負笈之

士接踵著有自得錄讀易日鈔廣東通志

摘句 三夜頻夢歸慈幃髮醺醺日汝歸來乎行

役將無殆醒來天一隅怍怍使心瘳薄宦

違色笑此實兒之罪吾聞古人云雞豚逮

親在三公不以易矧茲百里宰

韓海

字緯五號橋邨廣東番禺人雍正十一年進士官

國朝詩人傳卷二十六
教諭有東皋詩文集

海性孤介授徒富人家以坐位小失拂衣歸至乏

食無悔鴻博之舉當事欲薦海令賦夏蓮詩有欲

待移根歸太液須尋十丈藕如船之句當事知其

意乃不果薦

廣東通志

摘句 顧影盡一斗陶鎔還天真香風排闥來梅

花吾故人

樹密不知雨谿深微覺寒夾天松影濕到

地葉聲乾

人歸秋水渡鴉點夕陽村

香流半堂磬衣卸一身雲

帝里樂原輸故國宮袍榮總遜斑衣

只應佛火無今古但有梅花未寂寥

秋色半空人獨立夕陽前路翠初沉

晒網遠潮迎日早捲篷明月得天多

漁父

彭端淑

字樂齋四川丹稜人雍正十一年進士官廣東肇

羅道有白鶴堂集

樂齋德器從容涵養純粹梁文定公尤稱之

湖海詩傳

次肇洙次遵泗皆由庶常起家世稱三彭

兩村詩話

摘句 磴道蟠蒼穹數騎自雲出危石千仞懸飛

湍百丈溢紆迴仗木欄摧頽勢難必偶然

一俯首不寒體自慄

大士
崑

國朝詩人徵略卷二十六

國朝詩人徵略卷二十七

番禺張維屏子樹輯

劉大櫚

字才甫號海峰江南桐城人貢生官敘諭有海峰

詩文集

海峰生而好學當康熙末方侍郎苞名大重於京

師見海峰大奇之語人曰如苞何足言吾同里劉

大櫚乃今世韓歐才也自是天下皆聞劉海峰然

自康熙至乾隆數十年應順天府試兩登副榜終

不得舉乾隆元年舉博學鴻詞十五年舉經學皆

不錄用朝官提督學政者率邀之閱文因歷天下
佳山水為歌詩自發其意年逾六十得黟縣教諭

又數年歸樅陽不復出卒年八十三

惜抱軒文集

方侍郎少時嘗作詩以示海寧查侍郎慎行查侍

郎曰君詩不能佳徒奪為文力不如專為文方侍

郎從之終身未嘗作詩至海峰則文與詩並極其

力能包括古人之異體鎔以成其體雄豪奧祕靡

斥出之豈非其才之絕出今古者哉同上

吳文恪公有贈劉生詩云生名大櫬其姓劉意氣

橫絕凌九州邂逅執禮以業投蒙莊混濇無繆悠

閒仿韓柳勁以適詩賦峭蒨窮瑣搜此才疊疊信

寡儔云云詞科掌錄

劉海峰曰舉天下之無味而辛苦蜚其口未有如

烟草者也自萬歷之季閩人一食之至於今而天

下之人無貴賤賢愚鮮不甘而嗜之見海峰集慎始論夫

烟草無甚害於人而海峰已怪夫嗜之者之眾詎

知淡巴菰之後又有所謂阿芙蓉者能使人食而

嗜之既嗜之雖欲不食而有所不能且一日不食

而其人已如疾病在身而形神為之不安較之飢

渴而有甚是物之害人如此而數十年來天下之

嗜之者日以眾雖才智之士或不免焉有司屢奉
旨嚴禁其來而仍未能絕且聞內地禁之嚴其夷船以
此物來者輒於海上交易而漁利之徒亦潛於海
上購之以轉販於四處夫以養人之財易此害人
之物而流毒未知所底止此亦有心者所為扼腕
太息者也聽松廬
文鈔

海峰先生古文喜學莊子尤欲力追昌黎詩格亦
高五言古益多可味方望溪侍郎盛稱其文其詩
遂為古文所掩耳聽松廬
詩話

標題

姚南青寓齋信宿却寄古五

飲酒五首古五

借酒古五

北齊校書圖古七

摘句

凡物有本性易地不相宜

夜聞雨聲喧曉望皆春水

花天共濁醪月地連幽步

紅樹映青山依依見茅舍荒水曲籬間人

牛各休暇

烟寒漁火稀月落江光白曠野悄無人孤

舟獨歸客

松葉忽成韻嶺雲無定姿

薄雲疎過雨深樹亂鳴蟬

日邊雙鳥白霞外一天青

學業牛蹄水人情馬耳風

路經水折山迴處人在飄風驟雨間

江聲夜雨增悲壯海色朝霞接混茫

盡將六代興亡淚流入秦淮作暮潮

紅映桃花青拂柳洗粧樓外過清明

胡天游

字稚威號雲持浙江山陰人貢生有石笥山房集

胡天游榜姓方浙江北直兩中副榜

越風

天游有異才于書無所不窺乾隆初舉學鴻儒

天游以鄉副貢應

詔四方文士雲集每稠人廣座天游輒數千言落紙如飛

文成奧博見者嗟服天游於文工四六得唐燕許

二公之遺詩亦雄健有氣一統志成當進

御鄂張相國屬表於齊檢討召南檢討因推天游鄂相國

驚歎其文欲招之檢討曰天游奇士豈可招耶卒

不至居京師十餘年名日以盛忌日以深歲辛未

舉經明行修卒為忌者中傷而罷嘗與山西田侍

郎懋有舊因往依之卒於蒲州年六十三

朱梅崖文集

稚威己酉副榜貢生禮部尚書溧陽任公所薦其

座主也藻耀高翔才名為詞科中第一所作若文
種廟銘靈濟廟碑安頤先生碑任御史趙總兵兩
墓志遜國名臣贊序柯西石宕記皆天下奇作雖
李文饒權載之執筆不能過也以持服不與試丁
已補考鼻血大作納卷而出詞科掌錄

稚威修志太原病太守周西鯨來視稚威拱手曰
公來甚佳別矣即瞑氣縷縷若騰煙須臾張目曰
不能再生人間為南人乎為北人乎公為壽之
周泣下曰南人歸南曰然遂氣絕少倉山房文集
人之不朽在立德立功立言然有德與功而無文

字紀載之亦湮沒耳是立德立功仍賴有立言者
乃能傳於後世功稚威曰古今人皆死惟能文

章者不死雖有賢豪傑離文章則其人皆死此

文章指凡有著述而言稚威此言雖不免有鋒鋟

然論實警快松軒隨筆

稚威先生自言所作當在儲畫山方望溪李穆堂
三人之上先生生平駢體文最長而三人所長不
在駢體先生必舉而相較者蓋以三人一江蘇一
安徽一江西皆同時負文學重名故欲駕而上之
其平日負氣不肯下人即此可見上同

標題 女李三行古五 唐浯溪中興頌古七 石鼓

文古七 畫桃源行古七 漢杜陵五鳳銅行

燈槃歌古七

摘句 星斗春天濕魚龍夜氣高

天隨秋在野風與日爭明

人將秋共瘦詩更瘦于人

英雄事去山河在豎子名成燕雀忙

干霄虎氣朝騰阜流水魚腸夜出關姑蘇

無數行人無數柳一分秋色一分波灞橋

寒窺裘典仍欺客夢怕鐘催不戀人

蛙為官鳴時傍路蝶忘春謝尚尋花

劉 綸

字春涵號繩菴江南武進人廩生乾隆元年

召試博學鴻詞第一官至大學士諡文定有繩菴內外集

雍正十一年

詔舉鴻博至乾隆元年合內外所舉凡二百七十六人試

授館職者十五人一等五名二等十名武進劉綸

為之冠二年丁巳補試復得萬松齡等詞科掌錄

禮部侍郎張廷璐舉三人劉綸劉鳴鶴陸桂馨同

召試博學宏詞詩題是山雞舞鏡七排十二韻限山字劉

文定公有句云可能對語便關關

上深嘉獎親拔為第一遂以編修致身宰相隨園詩話

文定謙和公謹以清修自厲少在尹文端公幕府

得其指授繼以鴻博入翰林汪文端公愛其才兼

重其度晚年尤與劉文正公相得予嘗以要事繕

奏稿夜半詣公請閱公起黥燭操筆點定時仲冬

寒甚公呼三公子具酒脯而廚傳已空僅有白棗

十餘枚以侑酒公亦自嘆儉陋為可哂也湖海詩傳

劉文定為詞章取裁文選暇則手自標識師友淵源錄

劉文定公衡文嘗言佳卷多至溢額始難在取繼

難在去較量進退每至夜分人勸節勞公曰卷之

佳兄弟也一去取間於我甚易獨不為士子計乎

嗚呼公用心之勤如此即被棄者可無恨矣松軒隨筆

杭堇浦太史詞科掌錄備載薦舉博學鴻詞諸人

姓氏爵里而閱卷大臣姓名未見載入究不知是

科閱卷為何人後讀沈文愨公自訂年譜乃知閱

卷者為鄂文端爾泰張文和廷玉二相公少宰邵

基同上

標題 碑洞古五 謁華陰廟古七

摘句 陣圖聚米三邊地賦版流沙半壁天

每因廣坐論功日重湖陰山轉戰年

一窩風月有真樂兩戶乾坤非小儒安樂窩

十里好詩收客店九秋真畫出田家

曉風只解吹殘月不送才人過馬當

沈廷芳

字晚叔號椒園浙江仁和人乾隆元年

召試博學鴻詞官山東按察使有隱拙齋集

十三經註疏正字沈廷芳撰是書每條標其本句而疏其譌誤於下參稽眾本考驗六書訂刊版之舛譌祛經生之疑似註疏有功於聖經此書更有

功於註疏四庫提要

廷芳詩學出於查慎行古文之學出於方苞同上

椒園為臬使時嘗欲以湯文正公斌崇祀兩廡事

雖不行士論韙之湖海詩傳

標題 登泰山歌七古

摘句 涼生荷芰野人服秋滿竹林居士家

山峰雨後都成髻湖水春來欲到田

齊召南

字次風號瓊臺浙江天台人貢生乾隆元年

召試博學鴻詞官至禮部侍郎有賜硯堂詩

水道提綱齊召南撰通津所注往往表延數千里不可限以疆域召南所敘不以郡邑爲分惟以巨川爲綱而以所會衆流爲目故曰提綱其源流分合方隅曲折則統以今日水道爲主不屑屑附會於古義而沿革同異亦卽互見於其閒四庫提要公幼稱神童十二歲登巾子山吟五言云江水連天白人煙滿地浮巾山山上眺一覽小東甌識者卽以公輔器相目雍正己酉中副車舉博學鴻詞改翰林院庶吉士充

大清一統志纂修官授檢討戊辰會試同考官試竣

命在阿哥書房行走

御試翰詹官一第一名授禮部右侍郎

上於寧古塔得古鏡公具悉原委并及歎識

上諭左右曰是不愧博學鴻詞矣西苑侍班

御射十九矢皆中的

上顧尙書蔣溥與公曰不可無詩公於翼日進詩四首

上卽俯和十四年四月自

圓明園歸澄懷園甫及門馬驚墮觸大石負重傷

上卽賜藥傳蒙古醫療治病少定

天語屢次垂問陳懇解職回籍省侍老母及抵家大夫人

適患痰臥牀間公至勿藥而愈主敷文書院凡十一年獎勵後進因材而篤晚喜集句李杜韓蘇若

出一手道古堂文集

公謂余曰吾墜馬腦髓迸流神魂飛越蒙古神醫亟以牛腦實之即用生牛冒首使真氣聚而不洩三月而能起立然記性頓減前後如兩人鳥亭詩話

先生瞳人極小能遠視與紫坪登山見江舡先生辨舟中幾人服某某色杯竿壺觴之屬歷歷可數下山至泊所則所視皆不爽先生清晨望雲能尋其根云彷彿如絲繫于山隨所尋挖之得雲根石

多花草鳥篆形尤異者一石具先生名字茶餘客話

先生未遇時夢于忠肅曰景泰帝易儲事吾嘗具

疏力諫不從後人不知遂妄加疑議今皇史宬中

吾疏具在公他日當檢出示人以雪吾冤先生修

明史綱目親至皇史宬徧覓忠肅奏疏卒不得後

餘姚邵進士晉涵預分纂之任親到皇史宬求忠

肅疏亦不得但檢得明時通政使進本檔冊載景

泰某年某月日于某一本為太子事此即忠肅具

疏力諫之明證碧谿詩話

摘句 同時或見輕閱世轉崇敬

睡鄉鄰醉鄉太古相傳久跌坐遊華胥至

人或捧手午窗坐睡 晝寢令人神昏惟坐睡片時最能養神

親承文景昇平業開闢唐虞未有天到底

英雄晚能悔輪臺一詔是神仙漢武帝

未賞子魚安宋國偏憎叔武及元咍忠泉

有水皆成碧噩夢隨人尚說冤憐忠祠 忠肅見夢

陳撰

字楞山號玉几浙江鄞縣人有繡鈇集玉几集

撰以書畫遊江淮詩雖未及古要能離俗四庫提要

通政寧夏趙公祭告南鎮聞其名薦于

朝辭不赴有謝啓極工詞科 掌錄

摘句 泥深黏屐重雲濕帶林昏

兩時茶板伊蒲饌一樹梅花貝葉書

詩卷白頭悲舊雨燭花紅淚滴秋堂

陳黃中

字和叔號東莊江南吳縣人諸生有東莊遺集

和叔爲學長于史應博學鴻詞科不遇乃客遊漕

督顧公湖督孫公閻撫王公先後聘主章奏居常

恨宋史蕪雜是非混按討先正舊聞刪其繁折其

中成宋史彙一百七十卷又著新唐書刊誤

國朝諡法考殿閣部院年表督撫年表十餘卷二林居集

摘句 手倦持黃嬾吟愁和白華

納納乾坤懷管樂滔滔江漢憶曹劉

尙廷楓

字嶽師江西新建人官戶部主事

嶽師原籍陝西以父潞浙江提督廕任戶部主事

詩骨清曠故是逸才臨川李侍郎亟言于副憲孫

公遂列薦牘詞科掌錄

摘句 月帶一星行

四野夕陽羣鳥散萬山秋草一人歸

堪歎困車多鶴脰頓憐求鼓失麟皮

三徑綠苔人別處一江紅樹雁來時

符曾

字幼魯號藥林浙江錢塘人官郎中有春鳧小稿

宏詞爲刑部侍郎厲公所薦詩章脫手清便氣韻

尤高陳楞山以爲如春在花如意在琴詞科掌錄

摘句 寒雲添暝色老屋聚秋聲

秋山到曉露全骨涼月伴人成苦吟

三日不來秋滿地蛩聲如雨落空山

趙昱

字功千號谷林浙江仁和人貢生有愛日堂集

臨川李公聞其才且賢薦之功千雅詠溫恭築春

草園有池館之勝異本書近數萬卷詞科掌錄

摘句 水色侵露氣結此人境清

自笑蠹魚偏食字更憐蝶夢不離花

沈冰壺

字清玉號梅史浙江山陰人貢生有抗言在昔集

其學識頗為拔俗而有意示高或流於誕四庫提要

冰壺擬古樂府一卷桑岐甫攜入都以是知名得

膺薦牘詞科掌錄

摘句 搔頭弄姿誣李固曠曠千載人不悟何平叔

永王謀反出附會王不能明白何怪同為

上皇臣同輔上皇子鄴侯為名佐太白坎

凜死所遭幸不幸二李天淵懸若此夜郎歎

仙不能救佛豈能阨崔司徒

汪沆

字西顥號槐塘浙江錢塘人諸生有槐塘集

少從樊榭厲君學得其詩法博極羣書詞科掌錄

沆事親孝昆弟未嘗析箸迎養寡姊惠周戚黨前

後葬三十餘棺喜引翼後進年八十一卒杭州府志

摘句 牆陰剩雪留虛白簾底疎梅破冷紅

晚山青向樹頭出疎雨響從蘆外來

方觀承

字宜田號問亭江南桐城人由監生保舉加中書
銜官至直隸總督諡恪敏有問亭集

公之祖工部主事諱登嶧考中書舍人諱式濟皆
以文字累謫黑龍江公歲往來塞內外營菽水之
奉於其間厲志氣勤學問徧知天下利病人情風
俗所當設施平郡王福彭嘗知之雍正十年郡王
爲定邊大將軍征準噶爾卽奏爲書記

詔賜中書銜以往在軍營建策善歸補中書舍人乾隆初
入軍機處累遷吏部郎中出爲直隸清河道乾隆
十四年遂授直隸總督公性明於用人一見與語
卽能知才所堪任若周元理李湖等凡十餘人皆
宿所拔於守令丞尉中者也直隸之永定河故無
定河也其遷移靡常公洞徹地勢相時決機於河
務前後數十疏從之輒利公素勤於學工爲詩及
書嘗舉博學鴻詞以平郡王監試嫌避不試嘗偕
秦文恭公輯五禮通考所著直隸河渠書百三卷
詩集十三卷其餘雜記直隸事又數十卷公五十

未有子撫浙時使人於江寧買一女子公女兄弟
送之至杭州擇日將納矣公至女兄弟所見詩冊
有知名問知此女所攜其祖父作也公曰吾少
時與此女祖以詩相知安得納其孫女乎即還其
家助貲嫁之公年六十一矣今吳太夫人乃生子
維甸今復爲尙書總督繼公後惜抱軒文集
恪敏公未遇時備極流離清涼寺僧中州知爲偉
人時周恤之公贈詩云須知世上逃名易只有城
中乞食難後官制府重建清涼寺隨園詩話
方恪敏公中歲懋膺

宸眷游擢封圻人皆羨其榮遇不知其早年隨侍重闈崎

嶇塞外所謂苦其心志勞其筋骨蓋有人所難堪

者公事親孝兄弟友愛尤篤余讀其塞上憶兒詩

有云麻衣萬里呼天淚凍雪千山負米心令人不

覺愀然動容也聽松廬詩話

方恪敏公詩有云造

膝幾人容抱子

眷懷昨歲

詔迎醫自註云攜耆兒至

御前蒙

親解佩包以賜又蒙

恩命御醫為耆兒種痘大臣幼子仰荷

刃慈高厚至此即史書紀載中亦為罕觀同上

摘句 歸雲不礙樹淺水亦涵星

晚風鄰圃樹明月一家天

雲影白無岬浪花飛上天洞庭大雪余曾身歷此境

閒雲能讓月遠漢自橫秋

黑風飲馬人呼井野宿必求井白雪填車夜裏

羶人宿車上曰野營

風光暖送還家路冰雪天培有用身

北固山高帆盡下大江風定月初圓

釵影半橫人倦後衣香又到晚涼時夜來香

一片黃雲千載淚秋風吹上李陵臺

胡鳴玉

字廷佩號吟鷗江南青浦人貢生

訂譌雜錄胡鳴玉撰乾隆丙辰薦舉博學鴻詞是

編皆考訂聲音文字之譌但引古書互相參證不

欲多生新意自見所長所以言皆有據所得反較

諸家為多四庫提要

摘句 隔林雨霽鳩呼婦近戶風輕燕引雛

王藻

字載陽號梅泚江南吳江人有鶯脰湖莊集

載陽賦米為業偶題桃源圖沈綸翁四處揄揚遂

棄業讀書吳荆山宗伯薦舉博學鴻詞

隨園詩話

雍正壬子清明載揚邀輦轂諸名公集怡園賦七

言古詩追和宋蘇子瞻明楊孟載兩先生作

詞科掌錄

摘句 相看何物同塵世只有秦時月在天

桃源題圖

但憑彩筆記重三敢論新詩誰第一

集怡園

百首淋浪長慶體一生慚愧義熙民

梅村集

鳴鞭側帽衝齊魯身帶河聲嶽色還

勞孝輿

字阮齋號巨峰廣東南海人貢生官知縣有阮齋

詩文鈔

孝輿受知學使惠士奇與何夢瑤羅天尺蘇珥齊

名世稱惠門四君子舉博學宏詞

召試未用旋出為黔宰措置八堡屯田卒於官著有春秋

詩話讀杜識餘

廣東通志

標題

蛛網歎

五古

蟲魚

七古

摘句 周旋寧作我少壯不如人

文心鸚鵡舌詩價鷓鴣聲

程廷祚

字縣莊號青溪江南上元人諸生有岫雲閣詩鈔

春秋識小錄程廷祚撰凡春秋職官考略三卷春

秋地名辨異三卷左傳人名辨異三卷提要四庫

縣莊嘗曰墨守宋學已非墨守漢學尤非孟子

云君子深造之以道欲其自得之乎小今山房文集

廷祚原名默安徽巡撫膠州王公所薦詞科掌錄

近世如戴東原其才本超越流俗而其為論之僻

則過有甚於流俗者縣莊所見有似東原惜軒文集

縣莊以經學名其治易乃專主義理而力排象數

余則謂治易當以象為先如以理而已則卦爻中

曷為多方設象且言狐言鬼而狐何以言三狐鬼

何以言一車乎蓋理處於隱聖人設象以顯之理

處於虛聖人設象以實之虛者實之即祭祀為尸

之意也隱者顯之即鑄鼎象物之意也故曰易者

象也象也者像也使眾人觀象玩辭而理見焉此

牖民覺世之苦心也松心日錄

摘句 秋風弔古無螢火夜月思君剩玉鉤廣陵懷古

誰知立馬吳山客不惜千金買諫書武懷古

戲罷頗聞知記憶書來漸解問平安憶幼女

邊連寶

字趙珍直隸任邳人貢生有隨園草

直隸總督彭城李公所薦研辨經史篤學不倦北

方學者未能或之先也

詞科掌錄

君與河間戈濤友善濤嘗為君撰生傳為時傳誦

濤死君惟與兄竹岩唱酬有南游壩箴集

忠雅堂集

摘句 羣儒動言命此亦難究擬命或隨所遭不

必盡經紀蠕蠕草間蟲營營樹下蟻土螿

得考終雞豚獲凶死苟預定其然造物亦

勞矣

蠕蠕草間蟲營營樹下蟻問彼胡由然彼

亦昧所以既在天地間勢自不能已蠕蠕

復營營竭蹶以待死

人生一世間但求有可娛苟其無可娛可

不有此軀

朱稻孫

字稼翁號娛邨浙江秀水人貢生有六峰閣稿

徵君曾試詞科一入經局名重菡林

梅里詩輯

稼翁少孤其祖撫之漁洋題小長蘆卷所謂桐孫

稻孫者是也游揚州為盧雅雨運使上客出其祖

所撰經義考後半未刻者雅雨為刻其全其後開
四庫館得以全帙獻

上題詩冠首由是流傳海內可謂能守先澤者矣湖海詩傳

摘句 人當欲別終難別曲記無愁果有愁

桃葉滿江猶可渡梨花如雪不開門

日暮晴雲起雁去隔江時露六朝山

馬曰琯

字秋玉號嶰谷江南江都人有沙河逸老集

生平勤學好客酷愛典籍有未見書必重價購之

世人願見之書如經義考之類不惜千百金付梓

以故叢樓所藏書畫碑版甲于江北淮海英靈集

摘句 早荷爭水出晚筍上階生

燕子來時春水碧

馬曰璐

字佩兮號半槎江南江都人有南齋集

藏書甲於大江南北詩筆清削詞科掌錄

半槎兄弟不求時名親賢樂善惟恐不及道古堂集

摘句 雲涼花氣薄天淨鳥行閒

紅影倒溪流不去始知春水戀桃花

張庚

字瓜田號浦山浙江秀水人有強恕齋詩鈔

浦山古調自鳴秀水萬光泰有詩送之云山人好

詠詩作古不作律

詞科餘話

浦山工於山水世多以翰墨稱之不知學問淹博

如通鑑綱目釋記糾繆補註極為精審

湖海詩傳

浦山撰

國朝畫徵錄頗資攷證足與朱謀聖畫史會要張丑

清河書畫舫諸書並傳


松軒隨筆

摘句 一雨百泉鳴高秋衆山靜地僻無澆風居



人葆真性

枯淡雖云是本色神味須知傷衆美

倪雲林畫



三
東隱印



國史記 卷二十一

